


禪門諸祖師偈頌

五山版

坤



八五
975
2

高邁長明燈記 見唐文粹廿卷而為灯明頌并序

禪門諸祖偈頌下



禪月大師山居二十首

五峯釋

如祐

錄

騰騰和尚了元歌

誌公和尚十四科頌

石頭和尚叅同契瑯琊覺禪師科

牧護和尚歌

樂普和尚浮漚歌五首

丹霞和尚弄珠吟二首

道吾和尚樂道歌二首

傅大士心王銘

香巖襲燈禪師頌十九首

南嶽懶瓚和尚歌

南嶽惟勤禪師覺地頌 僧亡名息心銘

雲頂德敷禪師頌 十首 歸宗至真禪師頌 一首

九峯詮和尚山居頌 傅木舌四相頌

永首座續錄 真歇灯記 晦室灯記

無盡法堂記 高邁長明灯記

明教尊僧篇 雲峯悅小叅

怡山然發願文 趙郡王省行堂記

月林觀體道銘 白楊順垂誠

慈受深示衆 佛心才坐禪銘

慈恩大師出家箴 禪月禪師訓童行

仁宗皇帝贊僧 永明壽垂誠

枯禪評住鼓山 胡尚書和 洞山評親三書 娘書附

梁山則十牛頌 輝自得六牛頌

月窟清訓童行 靈竇丈室銘

義淨三藏戒看經 仁宗題譯經院

洞山息世譏 五家宗派括

八益聖解脫門

陳宏詞答真參政書

文正公勉佛果行脚

勸安老僧文

下卷目錄終

真性頌

枯骨頌

禪月大師山居詩序

愚咸通間於鍾阜作此詩放筆葉被人口聞之一二字句多錯亂道辛丑山居寺改正之成二十四首風調鄙拙不敢聞於大雅君子作者氣合為一朗吟可也

山居詩

第一

休話誼譁事事難。山翁只合住深山。數聲清磬是非外。一箇閑人天地間。綠圃空堆雲冉冉。異禽靈草水潺潺。無人為向群儒說。巖桂枝高亦好攀。

第二

難是言休便即休。清吟孤坐碧溪頭。三間茆屋無人到。十里松門獨自遊。明月清風宗炳社。夕陽秋色庾公樓。修心未到無心地。萬種千般逐水流。

第三

好鳥聲長睡眼開。好茶擎乳坐莓苔。不聞榮辱成番盡。只見羆熊作隊來。詩理從前欺白雪。道情終遣似

嬰孩猶來此事知音必不是真風去不迴

第四

萬境忘機是道華碧芙蓉裏日空斜幽深有徑通仙窟寂寞無人落異花掣雷浮雲真好喻如龍似鳳不須誇君看江上英雄塚只有松根與栢槎

第五

鞭後從他素髮兼湧清奔碧冷侵簾高竒章句無人愛淡泊身心舉世嫌白石橋高吟不足紅霞影暖卧無厭居山別有非山意莫錯將余比宋纖

第六

島外塵中四十秋亦曾高挹漢諸侯如斯標致雖清拙大丈夫兒合自由紫朮黃菁苗戡戡錦囊香麝語啾啾終須心到曹溪叟千歲楮根雪滿頭

第七

慵甚愁康竟不迴何妨方寸似寒灰山精日作童兒出仙者時將玉器來筠筵掃花驚睡鹿地爐燒樹帶枯苔不行朝市多時也許史金張安在哉

第八

心心心不住希夷石屋巉岬白髮垂惜竹不除當路笋愛松留得礙人枝焚香開卷霞生砌卷箔冥心月

在池多少故人頭盡白不知今日又何之

第九

龍藏琅函遍九垓。霜鐘金鼓振瓊臺。堪嗟一句無人得。遂使吾師特地來。無角鐵牛眠少室。生兒石女老黃梅。令人轉憶龐居士。天上人間不可陪。

第十

五岳煙霞連不斷。三山洞穴去應通。石窾欹枕踈踈。雨水碓無人浩浩。風童子念經深竹裏。獼猴拾虱夕陽中。因思往事拋心力。六七年來楚水東。

第十一

塵埃中更有埃塵。時復雙眉斗為顰。賴育年光飛似箭。是何心地亦稱人。由賢參孝時時說。蜂蠆狼貪日日新。天意剛容此。徒在祇堪惆悵不堪陳。

第十二

翠竇煙巖畫不成。桂香瀑沫雜芳馨。撥霞掃雪和雲母。掘石移松得茯苓。好鳥似花窺玉磬。嫩苔如水浸金瓶。從他人笑。從他笑。地覆天翻也只寧。

第十三

騰騰兀兀步遲遲。地朕消磨只自知。龍猛金膏雖未作。孫登土窟且相宜。薜蘿山帔偏能緝。橡栗年粮亦

粗支已得真人好消息人間天上更無疑

第十四

嵐嫩風輕似碧紗雪樓金像隔煙霞葛苞玉粉生香
壠菌蔕銀釘滿淨槎舉世只知嗟逝水無人微解悟
空花可憐擾擾塵埃裏雙鬢如銀事似麻

第十五

千巖萬壑路傾欹杉檜濛濛獨掩扉斲藥童穿溪罅
去採花蜂冒燒煙歸閑行放意尋流水靜坐揩頤到
落暉長憶南泉好言語如斯癡鈍者還稀

南泉有語云學道之人癡鈍者難得

第十六

一從冥目在穹冥菌枕松床蘚嶂青乳鹿暗行樾迳
雪瀑泉微澣石樓經閑行不覺過天井長嘯深能動
岳靈應恐無人知此意非凡非聖獨醒醒

第十七

慵刻芙蓉傳永漏休誇麗藻鄙湯休且為小圃盛紅
粟別有瓊禽勝白鷗拾栗遠尋深澗底弄猿多在小
峯頭不能更出塵中也百鍊剛為遶指柔

第十八

葉薪心火日燒煎浪死虛生自古然陸氏稱龍終妄
矣莫家得鹿更空焉白衣居士深深說青眼胡僧遠

遠傳剛地無人知此意不堪惆悵落花前

祖

五十

第十九

露滴紅蘭玉滿畦。閑拖象屣到峯西。但令心似蓮華
潔何必身將槁木齊。古壑細香紅樹老。半峯殘雪白
猿啼。雖然不是桃花洞。春至桃花亦滿溪。

第二十

自休自了自安排。常願居山事偶諧。僧採樹衣臨絕壑
金華山出樹衣僧多採為蘇菜極美也 狘爭山果落空階。閑擔茶器緣青嶂
靜衲禪袍坐綠崖。虛作新詩反招隱。出來多與此心乖。

第二十一

石爐金鼎紅蕖嫩。香閣茶棚綠甌齊。塢燒崩騰奔澗
鼠。巖花狼藉鬪山鷄。蒙莊環外知音少。阮藉途窮言
趣佐。應有世人來覓我。水重山疊幾層迷。

第二十二

自古浮華能幾幾。逝波終日去滔滔。漢王廢苑生秋
草。吳王荒宮入夜濤。滿屋黃金機不息。一頭白髮氣
猶高。豈知物外金仙子。甘露天香滿毳袍。

第二十三

如愚何止直如絃。只合深藏碧嶂前。但見山中常有
雪。不知世上是何年。野人愛向庵前笑。赤攬頻來衲

畔眼只者道遙好知己何須更問洞中天

第二十四

支公放鶴情相似范泰論交趣不同有念盡為煩惱
鎖無機方稱水晶宮香焚蒼蘆諸峯曉珠摺金剛萬
象空若問山資言不及恒河沙劫用無窮

誌公和尚十四科頌

菩提煩惱不二

衆生不解修道便欲斷除煩惱煩惱本來空寂將道
更欲覓道一念之心即是何須別處尋討大道曉在
目前迷倒愚人不了佛性天真自然亦無因緣修造

不識三毒虛假妄執浮沈生老昔時迷日為晚今日
始覺非早

持犯不二

丈夫運用無礙不為戒律所制持犯本自無生愚人
被他禁繫智者造作皆空聲聞觸途為滯大士肉眼
圓通二乘天眼有翳空中妄執有無不達色心無礙
菩薩與俗同居清淨曾無染世愚人貪著涅槃智者
生死實際法性本無言說緣起略為茲偈百歲無智
小兒小兒有智百歲

佛與衆生不二

衆生與佛無殊。大智不異於愚。何須向外求寶。身田自有明珠。正道邪道不二。了知九聖同途。迷悟本無差別。涅槃生死一如。究竟攀緣空寂。惟求意想清虛。無有一法可得。脩然自入無餘。

事理不二

心王自在脩然。法性本無十纏。一切無非佛事。何須攝念坐禪。妄想本來空寂。不用斷除攀緣。智者無心可得。自然無爭無喧。不識無爲大道。何時得證幽玄。佛與衆生一種。衆生即是世尊。凡夫妄生分別。無中執有迷奔。了達貪嗔空寂。何處不是真門。

靜亂不二

聲聞馱喧求靜。猶如棄麪求餅。餅即從來是麪。造作隨人百變。煩惱即是菩提。無心即是無境。生死不異涅槃。貪嗔如焰。如影智者無心求佛。愚人執邪執正。徒勞空過。一生不見如來妙頂。了達姪慾性空。鑊湯爐炭自冷。

善惡不二

我自身心快樂。脩然無善無惡。法身自在無方觸目。無非正覺。六塵本來空寂。凡夫妄生執著。涅槃生死平等四海。阿誰厚薄。無爲大道。自然不用將心畫度。

菩薩散誕虛通所作常含妙覺聲聞執法坐禪如蠶吐絲自縛法性本來圓明病愈何須執藥了知諸法平等脩然清虛使樂

色空不二

法性本無青黃衆生謾造文章吾我說他止觀自意擾擾顛狂不識圓通妙理何時得會真常自疾不能治療却教他人藥方外者將爲是善心內猶若豺狼愚人畏其地獄智者不樂天堂對境心常不起舉足皆是道場佛與衆生不二衆生自作分張若欲除却三毒迢迢不離災殃智者知心是佛愚人樂往西方

生死不二

世間諸法如幻生死猶若雷電法身自在圓通出入山河無間顛倒妄想本空般若無迷無亂三毒本自解脫何須攝念禪觀只爲愚人不了從他戒律史斷不識寂滅真如何時得登彼岸智者無惡可斷運用隨心合散法性本來空寂不爲生死所絆若欲斷除煩惱此是無明癡漢煩惱即是菩提何用別求禪觀實際無佛無魔心體無形無段

斷除不二

丈夫運用堂堂逍遙自在無妨一切不能爲害堅固

猶若金剛不著二邊中道脩然非斷非常五欲貪真
是佛地獄不異天堂愚人妄生分別流浪生死猖狂
智者達色無礙聲聞無不惴惶法性本無瑕翳衆生
妄執青黃如來引接迷愚或說地獄天堂彌勒身中
自有何須別處思量棄却真如佛像此人即是顛狂
聲聞心中不了唯只趨逐言章言章本非真道轉加
鬪爭剛強心裏虵蛇蝮蝎螫著便即遭傷不解文中
取義何時得會真常死入無間地獄神識枉受災殃

真俗不二

法師說法極好心中不離煩惱口談文字化他轉更

增他生老真妄本來不二凡夫棄妄覓道四衆雲集
聽講高坐論義浩浩南坐北坐相爭四衆爲言爲好
雖然口談甘露心裏尋常枯燥自己元無一錢日夜
數他珍寶恰似無智愚人棄却真金擔草心中三毒
不捨未審何時得道

解縛不二

律師持律自縛自縛亦能縛他外作威儀恬靜心內
恰似洪波不駕生死船筏如何度得愛河不解真宗
正理邪見言辭繁多有二比丘犯律便却往問優波
優波依律說罪轉增比丘網羅方丈室中居士維摩

便即來呵優波默然無對淨名說法無過而彼戒性
如空不在內外娑婆勸除生滅不肯忽悟還同釋迦

境照不二

禪師體離無明煩惱從何處生地獄天堂一相涅槃
生死空名亦無貪嗔可斷亦無佛道可成衆生與佛
平等自然聖智惺惺不為六塵所染句句獨契無生
正覺一念玄解三世坦然皆平非法非律自制脩然
真入圓成絕此四句百非如空無作無依

運用無礙

我今滔滔自在不羨公王卿宰四時猶若金剛苦樂

心常不改法寶喻於須彌智慧廣於江海不為八風
所牽亦無精進懈怠任性浮沈若顛散誕縱橫自在
遮莫刀劍臨頭我自安然不采

迷悟不二

迷時以空為色悟即以色為空迷悟本無差別色空
究竟還同愚人喚南作北智者達無西東欲覓如來
妙理常在一念之中陽燄本非其水渴鹿狂赴恣恣
自身虛假不實將空更欲覓空世人迷倒至其如犬
吠雷吼吼

騰騰和尚了元歌

修道道無可修問法法無可問迷人不了色空悟者
本無逆順八萬四千法門至理不離方寸識取自家
城郭莫謾尋他鄉郡不用廣學多聞不在辯才聰俊
不知月之大小不管歲之餘閏煩惱即是菩提淨華
生於泥糞人來問我若為不能共伊談論寅朝用粥
充饑齋時更飡一頓今日任運騰騰明日騰騰任運
心中了了認知且恁半癡半鈍

石頭和尚草庵歌

吾結草庵無寶貝飯了從容圖睡快成時初見茅草
新破後還將茅草蓋住庵人鎮常在不屬中間與內

外世人住處我不住世人愛處我不愛庵雖小舍法
界方丈老人相體解上乘菩薩信無疑中下聞之必
生怪問此庵壞不壞壞與不壞主元在不居南北與
東西基上堅牢以為最青松下明窓內玉殿朱樓未
為對納帔蒙頭萬事休此時山僧都不會住此庵休
作解誰誇鋪席圖人買迴光返照便歸來廓達靈根
非向背遇祖師親訓誨結草為庵莫生退百年拋却
任縱橫擺手便行且無罪千種言萬般解只要教君
長不昧欲識庵中不死人豈離而今遮皮袋

石頭和尚參同契

禪師科

將釋參同契大科分為四段

第一標題述序以示端由

竺土大僊心東西密相付人根有利鈍道無南北祖

第二方便建立不離真源分為七段

第一明真源本覺不迷理有四句從靈源明至亦非悟

靈源明皎潔枝派間流注執事元是迷契理亦非悟

第二根境無住有四句從門門一切至依位住

門門一切境迴互不迴互迴而更相涉不爾依位住

第三色聲無礙有四句從色本至清濁句

色本殊質像聲元異樂苦暗合上中言明明清濁句

第四四大無塵有四句從四大性至堅固

四大性自復如子得其母火熱風動搖水濕地堅固

第五十二處依真建立有六句從眼色至其語

眼色耳音聲鼻香舌鹹醋然於一一法依根葉分布

本末須歸宗尊卑用其語

第六不滯有無有六句從當明至前後步

當明中有暗勿以暗相遇當暗中有明勿以明相觀

明暗各相對比如前後步

第七萬法無差真心獨露有四句從萬物至箭鋒挂

萬物自有功當言用及處事存函蓋合理應箭鋒挂

第三明因會果方顯極談二段

承言須會宗勿自立規矩

第四勸進初學意在流通二段

觸目不會道運足焉知路進步非遠近迷隔山河爾
謹白叅玄人光陰莫虛度

蘇溪和尚即五溪牧護歌

聽說衲僧牧護任運逍遙無任一條百納餅孟便是
生涯調度為求至理叅尋不憚寒暑辛苦還曾四海
周游山水風雲滿肚內除戒律精嚴不學威儀行步
三乘笑我無能我笑三乘謾做智人權立階梯大道

本無迷悟達者不假修治不在能言能語披麻目視
雲霄遮莫王侯不顧道人本體如然不是知佛去處
生也猶如著衫死也還同脫袴生死無喜無憂八風
豈能驚怖外相猶似癡人肚裏非常峭指活計雖無
一錢敢與君王鬪富愚人擺手憎嫌智者點頭相許
那知傀儡牽抽歌舞盡由行主一言為報諸人打破
盡餅歸去

樂普和尚浮漚歌

雲天雨落庭中水水上漂漂見漚起前者已滅後者
生前後相續無窮已本因雨滴水成漚還緣風激漚

歸水不知漚水性無殊隨他轉變將為異外明瑩內
含虛內外玲瓏若寶珠正在澄波看似有及乎動著
又如無有無動靜事難明無相之中有相形只知漚
向水中出豈知水亦從漚生權將漚水類余身五蘊
虛攢假立人解達蘊空漚不實方能明見本來真

丹霞和尚翫珠吟二首

般若靈珠妙難測法性海中親認得隱顯常遊五蘊
中內外光明大神力此珠非大亦非小晝夜光明皆
悉照覓時無物又無蹤起坐相隨常了了黃帝曾遊
於赤水爭聽爭求都不遂罔象無心却得珠能見能

聞是虛偽吾師權指喻摩尼采人無數溺春池爭拈
瓦礫將為寶智者安然而得之森羅萬象光中現體
用如如轉非轉萬機消遣寸心中一切時中巧方便
燒六賊爍衆魔能摧我山竭愛河龍女靈山親獻佛
貧兒衣下幾蹉跎亦名性亦名心非性非心超古今
全體明時明不得權時題作翫珠吟

其二

識得衣中寶無明醉自醒百骸俱潰散一物鎮長靈
知境渾非體神珠不定形悟則三身佛迷疑萬卷經
在心心可測歷耳耳難聽罔象光天地玄泉出杳冥

本剛非鍛鍊元淨莫澄滄盤泊輪朝日玲瓏映曉星
瑞光流不滅真氣觸還生鑒照崆峒寂羅籠法界明
挫凡功不滅超聖果非盈龍女心親獻蛇王口自呈
護搗人却活黃雀意猶輕解語非關舌能言不是聲
絕邊彌汗漫無際等空平演教非為說聞名勿認名
兩邊俱莫立中道不須行見月休觀指還家罷問程
識心心則佛何佛更堪成

道吾和尚樂道歌

樂道山僧縱性多天迴地轉任從他閑卧孤峯無伴
侶獨唱無生一曲歌無生歌出世樂堪笑時人和不

著暢情樂道過殘生張三李四渾忘却大丈夫須氣
槩莫順人情莫妨礙汝言順即是菩提我謂從來自
相背有時憨有時癡非我途中爭得知特達一生常
任運野客無鄉可得歸今日山僧只遮是元本山僧
更若為探袒機空王子體似浮雲沒隈倚自古長披
一衲衣曾經幾度遭寒暑不是真不是偽打鼓樂神
施拜跪明明一道漢江雲青山涿水不相似稟性成
無指改結角羅紋不相礙或運慈悲喜捨心或即逢
人以棒鬪慈悲恩愛落牽纏棒打教伊破恩愛報乎
月下旅中人若有恩情吾為改

傳大士心王銘

觀心空王玄妙難測無形無相有大神力能滅千災
成就萬德體性雖空能施法則觀之無形呼之有聲
為大法將心戒傳經水中鹽味色裏膠清決定是有
不見其形心王亦爾身內居停面門出入應物隨情
自在無礙所作皆成了本識心識心見佛是心是佛
是佛是心念念佛心佛心念佛欲得早成戒心自律
淨律淨心心即是佛除此心王更無別佛欲求成佛
莫染一物心性雖空貪嗔體實入此法門端坐成佛
到彼岸已得波羅蜜慕道真士自觀自心知佛在內

青

之

傳大士錄

不向外尋即心即佛即佛即心心明識佛曉了識心
離心非佛離佛非心非佛莫測無所堪任執空滯寂
於此漂沈諸佛菩薩非此安心明心大士悟此玄音
身心性妙用無更改是故智者放心自在莫言心王
空無體性能使色身作邪作正非有非無隱顯不定
心性雖空能九能聖是故相勸好自防慎剎那造作
還復漂沈清淨心智如世黃金般若法藏並在身心
無為法寶非淺非深諸佛菩薩了此本心有緣遇者
非去來今

南嶽懶瓚和尚歌

兀然無事無改換無事何須論一段直心無散亂他
事不須斷過去已過去未來猶莫弄兀然無事坐何
曾有人喚向外覓功夫總是癡頑漢糧不畜一粒逢
飯但知嚼切世間多事人相趁渾不及我不樂生天
亦不愛福田饑來喫飯困來即眠愚人笑我智乃知
焉不是癡鈍本體如然要去即去要住即住身披一
破衲脚著屨生袴多言復多語由來反相誤若欲度
衆生無過且自度莫謾求真佛真佛不可見妙性及
靈臺何曾受薰鍊心是無事心面是孃生面劫石可
移動箇中無改變無事本無事何須讀文字削除人

祖

六二

律音祿手持

我本冥合箇中意種種勞筋骨不如林下睡兀兀舉
頭見日高乞飯從頭律將功用功展轉冥蒙取即不
得不取自通吾有一言絕慮亡緣巧說不得只用心
傳更有一語無過直與細如毫末大無方所本自圓
成不勞機杼世事悠悠不如山丘青松蔽日碧澗長
流山雲當幕夜月為鈎卧藤蘿下塊石枕頭不朝天
子豈羨王侯生死無慮更復何憂水月無形我常只
寧萬法皆爾本自無生兀然無事坐春來草自青

香巖襲燈大師智閑頌

九首

授指

古人骨多靈異賢子孫密安置此一門成孝義人未
達莫差池須志固遣狐疑得安靜不傾危向即遠求
即離取即忘失即遲無計校忘覺知濁流識今古偽
一剎那通變異差我山石火氣內裏發焚巔壘無遮
欄燒海底法網踈靈酸細六月卧去衣被蓋不得無
假偽達道人唱祖意我師宗古來諱唯此人善安置
足法財具慙愧不虛施用處諦有人問少呵氣更審
來說米貴

最後語

有一語全規矩休思惟不自許路逢達道人揚眉省
來處踴不著多疑慮却思看帶伴侶一生參學事無
成殷勤抱得旃檀樹

暢玄與崔大夫

達人多隱顯不定露形儀語下不遺迹密密潛護持
動容揚古路明妙乃方知應物但施設莫道不思議
達道場與城陰行者

理奧絕思量根尋徑路長因茲知隔闕無那被封疆
人生須特達起坐覺馨香清淨如來子安然坐道場
與薛判官

滴滴水一酸酸火飲水人醉向火人老不飲不向

無復安卧失却弓箭蹋却射垛若人
要知先去鉤錐人須問我我是阿誰
快道快道

與臨濡縣行者

丈夫咄哉久被塵埋我因今日得入山來揚眉示我
因茲眼開老僧手風書處龍鍾語下有意的出煩籠

顯旨

思遠神儀與精虛履踐通見聞離影像密際語前蹤
得意塵中妙投機露道容藏明照驚覺肯可達真宗
三句後意

書出語多虛虛中帶有無却向書前會放却意中珠

答鄭郎中問二首

語中埋迹聲前露容即時妙會古人同風響應機宜
無自他宗呵起駭蟒奮迂成龍

語裏埋筋骨音聲添道容即時才妙會拍手趁乖龍
譚道

與學人立機

的的無兼帶獨運何依賴路達達道人莫將語默對
妙旨迂速言說來遲才隨語會迷却神機揚眉當問
對面熙怡是何境界同道方知

明道

思思似有蹤明明不知處借問示宗賓徐徐暗迴顧

玄旨

去去無標的來來只麼來有人相借問不語笑哈哈

與鄧州行者

林下覺身愚緣不帶心珠開口無言說筆頭無可書
人問香巖旨莫道在山居

三跳後

三門前合掌兩廊下行道中庭上作舞後門外搖頭

上根

出哉莫錯頓爾無覺空處發言龍驚一著小語呼召

妙絕名邈巍巍道流無可披剝

破法身見

向上無父孃向下無男女獨自一箇身切須了却去
聞我有此言人人競來取對他一句子不話無言語

獨脚

子啐母啄子覺無殼母子俱亡應緣不錯同道唱和
妙云獨脚

南嶽惟勁禪師覺地頌一首七言

略明覺地名同異起復初終互換生性海首建增名
號妙覺還依性覺明體覺俱含於明妙明覺妙覺並

雙行妙覺覺妙元明體全成無漏一真精明覺覺明
明所了或因了相失元明明妙二覺宗體覺體覺性
覺二同明湛覺圓圓無增減此中無佛與衆生不覺
始終非了了不聞迷悟豈惺惺是稱心地如來藏亦
無覺照及無生非生非滅真如海湛然常住名無名
太虛未覺生霞點豈聞微塵有漏聲空漚匪離於覺
海動寂元是一真明覺明體爾含靈燄覺明逐燄致
虧盈差之不返名無覺會之復本始覺生本覺由因
始覺生正覺還依合覺明由地二種成差互遂令渾
作賴邪名具含染淨雙歧路覺明含處異途萌性起

無生不動智不離覺體本圓成性起轉覺翻生所遂
令有漏墮迷盲無明因愛相滋潤名色根本漸次生
七識轉處蒙圓鏡五六生時蔽覺明觸受有取相依
起生老病死繼續行業識茫茫沒苦海徇流浩浩遂
飄雲大聖慈悲興救濟一身用處出三身智身由從
法身起行身還約智身生智行二身融無二還歸一
體本來平萬有齊含真海印一心普現摠圓明湛光
燄燄何依止空性蕩蕩無所停處處示生無生相處
處示滅無滅形珠鏡頓印無來往浮雲聚散勿常程
出沒任真同水月應緣如響化群情衆生性地元無

漆只緣浮妄翳真精不了五陰如空聚豈知四大若
乾城我慢癡山高屹屹無明欲海杳溟溟每逐旃旒
僑誑友常隨猛獸作悲鳴自性轉識翻為幻自心幻
境自心驚了此幻性同陽燄空花識浪復圓成太虛
忽覺浮雲散始覺虛空本自清今古湛然常皎瑩不
得古今九聖名

僧六名息心銘

法界有如意寶人焉久緘其身銘其膺曰古之攝心
人也戒之哉戒之哉無多慮無多知多知多事不如
息意多慮多失不如守一慮多志散知多心亂心亂

生惱志散妨道勿謂何傷其苦攸長勿言何畏其禍
鼎沸滴水不停四海將盈纖塵不拂五嶽將成防未
在本雖小不輕關爾七竅閉爾六情莫視於色莫聽
於聲聞聲者聾見色者盲一文一藝空中小劫一伎
一能日下孤燈英賢才藝是為愚蔽捨棄淳朴耽溺
淫麗識馬易奔心猿難制神既勞役形必損斃邪行
終迷脩途永泥莫貴才能日益昏瞢誇拙羨巧其德
不弘名厚行薄其高速崩內懷僑伐外致怨憎或談
於口或書於手邀人令譽亦孔之醜九謂之吉聖謂
之咎賞翫暫時悲哀長久畏影畏跡逾遠逾極端坐

樹陰跡滅影沈。獸生患老。隨思隨造。心想若滅。生死長絕。不死不生。無相無名。一道虛寂。萬物齊平。何貴何賤。何辱何榮。何勝何劣。何重何輕。澄天愧淨。皎日慙明。安夫岱嶺。同彼金城。敬貽賢哲。斯道利貞。

雲頂山德敷禪師詩訖

語默難測

默坐冥然。聖莫知。縱言無物。比方伊木人。把板雲中。拍石女含笙。水底吹。若道不聞。渠未曉。欲尋其響。你還疑。教君唱和。君須和。休問宮商。竹與絲。

祖教迥異

祖意迥然。傳一句。教中廣布。列三乘。淨名倒岳。雷聲吼。鷲子孤潭。月影澄。鄆市賣魚。忘進趣。巖間飼虎。望起昇。雖知同體。權方便也。似炎天日。裏燈。

學難得妙

棲心學道。數如塵。認得曹谿。有幾人。若使聖凡。無至礙。便應磚瓦。是修真。瞥然一念。邪思起。已屬多生。放逸因。不遇祖師。親的旨。臨機開口。卒難陳。

祇對不得

莫誇祇對。句分明。執句尋言。誤殺卿。祇合文殊。便是道。虧他居士。杳無聲。見人須棄。敲門物。知路仍忘。疾。

子名儻若不疑言會盡何妨默默過浮生

祖

六十九

事無指的

不居南北與東西上下虛空豈可齊現小毛頭猶道
廣變長天外尚嫌低頓乾四海紅塵起能竭三塗黑
業迷如此萬般皆屬壞更須前進問曹谿

自樂僻執

一生僻執不風流懶出松門數十秋合掌有時慵問
佛折臂誰肯謁王侯電光夢世非堅久欲火蒼生早
晚休自蘊本來靈覺性不能暫使挂心頭

須知起倒

問答須教知起倒龍頭虵尾自欺謾如王秉劍由王
意似鏡當臺待鏡觀眨眼參差千里隔低頭思慮萬
重關若於此道爭深見何啻前程作野狂

言行相扶

言行相符不易行如烏如兔兩光明寧開晝夜精勤
得豈是貪嗔懈怠生菩薩尚猶難說到聲聞焉敢擬
論評然無地位長閑坐誰料龍神來捧迎

一句子玄

一句子玄不可會颯然會了柰渠何非唯世事成無
事祖教心魔是佛魔貧子喻中親指的獻珠馮裏顯

張羅空門有路平兼廣痛切相招誰肯過

古今大意

古今以拂示東南大意幽微豈易參動指搖頭元是一斜眸拊掌固非三道吾舞笏同人會石鞮彎弓作者諳此道若無師印授欲將何見語玄談

歸宗至真禪師智常頌一首

歸宗事理絕日輪正當午自在如師子不與物依怙獨步四山頂優游三大路欠去飛禽墜頓呻眾邪怖機豎前易及影没手難覆施張若二伎裁剪如尺度巧鏤萬般名歸宗還似土語默音聲絕百妙情難措

棄箇眼還聾取箇耳還瞽一鏃破三關分明箭後路可憐大丈夫先天為心祖

筠州九峯詮和尚山居詩

先在廬山棲賢禪寺

第一

真源如寂靜靜極即光輝雲散孤峯出山高眾岫歸野花開蘚徑芳樹隱柴扉却指冲虛處松風動翠微

第二

且問居山士其山復是何簾前廬岳雨天外洞庭波捲縮晴雲少鋪舒碧嶂多返觀崑崙路流水共煙蘿

第三

山戶有來客相逢問我居庭前莎細狹島上兩微踈
歲月淹人事風霜阻附書還聞拾得子却隱在匡廬

第四

我欲陳少問憑君細審詳庵前太湖石那箇是雌黃
草色逢秋短雲根入夏長此情通至鑒吟味徹斜陽

第五

止水滌波濤南看北嶂高頂飛雲外鶴山壓海中鼈
松韻生幽谷寒光入毳袍陋聞徐孺子却謂是風騷

第六

獨向諸峯上何緣益著詞鳥攀毛毳羽形讓影為師

有句流芳葉無言話所思却來崑裏坐寂默捫長髭

第七

何處不相逢煙嵐苦霧中看花忘見菓迷葉背幽藂
洗草清明雨敲松白露風此心明達後誰復謂窮通

第八

問我有何能獨稱僧更僧擡頭山兩島伴手一枝藤
野鶴窺禪榻閑雲抱石稜幽崑多冷淡隨分過炎蒸

第九

盡道我居山居山事亦難未能明所問何話太多端
月色連雲白風聲帶雨寒修心未到此崑谷路盤桓

祖

七十一

三三

第十

山路分明在迷途人未知
眼遙青黯色心浪白頭兒
秋晚風霜甚暮天猿狖悲
古今粗不盡來往更何之

第十一

羊乳切黑條

芳草萋萋花開百鳥啼
往年共招隱故友在崑西
舉步潛疑遠端居轉更迷
默然崑下坐流水滿長溪

第十二

深居莫可論僻靜亦長存
雲外從天曉山中猶閉門
水聲分洞口樹影掃崑根
此意無人會閑眠日又昏

第十三

棲心在何處風騷瀑布間
欲行終不到無住始居山
古木生脩葉浮雲閉巨關
寂然何處見崑下鬢長班

第十四

那堪話世情干利及求名
未斷紅霞路先愁白髮生
寒風添旅思晚照促蟬聲
誰伴山居者水雲深處行

第十五

廓爾無所示如來話本來
路分三徑草門掩百花開
鶴鬢垂如雪素眉橫似環
幽棲疊嶂下長憶在天台

第十六

欲往前崑去幽深薜荔中
瓶添數掬水錫振一枝風

石徑迷雲迹。溪澄色照空。迴看舊林下。端坐白頭翁。

第十七

住在匡峯省萬端。遙空光彩轉前山。猿啼自愛寒山品。上兒戲從教竹屋間。流俗未嘗憐水石。殊途何處得心閑。如今已是成衰颯。爛煮黃菁養病顏。

第十八

住在匡峯似著蓬。柴門涼枕虎溪東。五湖夢斷池塘月。三峽猿啼松檜風。不把文章干肺腑。曾無名利到山翁。安禪獨坐深深處。苔遶懸崖石半紅。

第十九

住在匡峯事若為。盤桓泉石貴延時。人間名利從他愛。少室心閑更是誰。藥圃養苗防雨雪。秋厨添餼即檀蒸。柴門不欲教重振。從聽蒼苔滿路歧。

第二十

住在匡峯近十年。新栽松竹韻笙全。山鷄報曉啼殘月。童子烹茶汲練泉。落葉背岩驚宿鳥。鈎雲歸竇露安禪。尋常不欲臨流望。影瀉澄潭鬢皓然。

第二十一

住在匡峯論祖行。白檀灰盡未聞香。僧瑤不得神蹤妙。秦鏡翻遭怨恨長。事到郢門須與奪。碁逢敵手定

雌黃如今此語徒搔首且向林閒卧夕陽

第二十二

住在匡峯却閉關生涯勞役謾循環百年寃夢能幾日一寸寒灰宜近山瀟水煮茶醒睡眼聽泉留客話身閑思量更有冥心事松竹森森不可攀

傅大士四相頌

生

識託浮泡起生從愛慾來昔時曾長大今日復嬰孩星眼隨人轉朱脣向乳開為迷真覺性還却受輪迴

老

覽鏡容顏改登階氣力衰咄哉今已老趨拜禮還虧身似臨崖樹心如念水龜尚猶耽有漏不肯學無為

病

忽染沈痾疾因成卧病身妻兒愁不語朋友厭相親楚痛抽千脉呻吟徹四隣不知前路險猶尚恣貪嗔

死

精鬼辭生路遊魂入死關祇聞千萬去不見一人還寶馬空嘶立庭花永絕攀早求無上道應免四方山

撫州永安法堂記

無盡居士撰

臨川陳宗愈於永安常老會中得大法喜捐其家資
為建丈室作脩廊方且鳩財以新法堂而宗愈死其
二子號訴於常曰吾先子之未奉佛也安且強既奉
佛也病且亡佛之因果可信耶其不可信耶常曰吾
野叟也不足以譬子子第成父之志而畢吾堂吾先
師有得法上首无盡居士深入不二辯才无碍隨順
根性善演音法堂成當為子持書求誨决子之疑紹
興元年春常遣明鑑至山陽以書來言會子方以諫
官召還未暇明年鑑又至京待報於智海禪刹爾時
居士默處一室照了幻境鐵輪旋頂身心泰定明鑑

兩淚悲泣慙慙再三請大悲居士佛法外護付與王
臣今此衆生流浪苦海貪怖死生迷惑因果惟願居
士作大醫王施與法藥居士曰善哉善哉汝乃能不
遠千里為陳氏子諮請如來無上秘密甚深法要諦
聽吾說持以告之善男子大空寂間妄生四相積氣
為風積形為地積陽為火積陰為水建為三才散為
万品一切有情水火相摩形氣相結以小四相具四
大界因生須養因養須財因財須聚因聚成貪因貪
成競因競成嗔因嗔成狠因狠成愚因愚成癡此貪
嗔癡諸佛說為三大阿僧祇劫人於百年劫中或十

歲或二十歲或三十四十歲或五六十歲或七八十歲各於壽量自為小劫於此劫中人欲超越不可數劫譬如蚯蚓歆昇煙雲无有是處諸佛悲愍開示檀波羅密大方便門勸汝捨財汝財能捨即能捨愛汝愛能捨即能捨法汝法能捨即能捨意汝意能捨即能捨身汝身能捨即能捨心汝心能捨即能契道昔迦葉尊者行化有老媪以破器中潘汁施之尊者飲訖踴身虛空現十八变老媪瞻仰心大歡喜尊者謂曰汝之所施福德无量若人若天輪王帝釋四果聖人及佛菩提隨汝所願无不獲者媪答曰只求生天

尊者曰如汝所欲過七日命終生忉利天受勝妙樂又罽賓國王在佛會聽法出眾言曰大聖出世千劫難逢今欲發心造立精舍願佛聽許佛云隨汝所作罽賓國王持一枝竹挿於佛前曰建精舍竟佛云如是如是以是精藍含融法界以是供養福越河沙鑑來為吾持此二說歸語檀越善自擇之汝父所建堂室廊庑比一器潘汁得福甚多生天受樂決定无疑若比罽賓國王挿一枝竹乃能含融無量法界汝欲進此聽吾偈曰

【住飛泉慧福捨五券】

一竿脩竹建精藍

風捲蟪蛄入海南

惡水潑來成第二 鈍根蹉過問前三

華藏無盡燈記

長蘆真歇了禪師作

東平打破鏡已三百餘年龍潭吹滅燈復四百餘載
後代子孫迷於正眼以謂鏡破燈滅而不知行住坐
卧放大光明燈未嘗滅也見聞覺知虛臨萬象鏡未
嘗破也燈雖無影能照生死長夜鏡雖無臺能辯生
死魔惑鏡與燈光光常寂明與鑑幻幻皆如照之無
窮則曰無盡燈鑑之無窮則曰無盡鑑日用不昧昭
昭於心目之間但衆生迷而不知故有修多羅教開

如幻方便設如幻道場度如幻衆生作如幻佛事譬
東南西北上下四維中點一燈外安十鏡以十鏡喻
十法界將一燈况一真心之則理不可分十法界則事
有萬狀然則理外無事鏡外無燈雖鏡鏡中有無窮
燈惟一燈也事中有無盡理惟一理也以一理能
成差別事故則事事無礙由一燈金照差別鏡故則
鏡鏡交參一鏡不動而能變能容能攝能入一事不
壞而即彼即此即一即多主伴融通事事無盡悲夫
衆生居切塵中而不知皆毗盧遮那無盡刹海普賢示一
毛孔而不知一一毛孔中含衆生三昧色身然一切

衆生日用在普賢毛孔中毗盧光明內慈氏樓閣中
 出沒文殊劔刃上往來念念中與諸佛同出世證菩
 提轉法輪入滅度如鏡與鏡如燈與燈方一切一時溥融無礙誠
 謂不可思議解脫法門非大心衆生無以臻于此鏡
 或曰即今日用見聞竟知畢竟是燈耶非燈耶是鏡
 耶非鏡耶偈曰

鏡燈燈鏡本無差

大地山河眼裏花

黃葉颼颼滿庭際

一聲砧杵落誰家

佛灯明禪師灯記

人人有面古鏡昭昭心目之間个个有一盞真燈晃

色塵之內只為一念背覺合塵遂使古鏡不彰真燈
 不朗真燈不朗无以照生死昏蒙古鏡不彰无以鑑
 色聲邪惑是故沉迷六趣汨溺三途百劫千生何由
 透脫粵有開士慈悲願廣拔濟心生依先賢之軌儀
 設如幻之燈鏡燈即一真之理鏡乃差別之事見燈
 而不見鏡者全理也見鏡而不見燈者全事也一燈
 普入十鏡者捨事就理也十鏡普攝一燈者捨理就
 事也鏡与燈互相交徹迭共融通无尽重重重重无
 尽者理事无礙也便乃於斯見得折旋俯仰常居正
 竟妙場動轉施為不離毗盧性海鏡燈方便事為至

矣住山晦室作是說竟俄有叟疑而問曰忽若毗嵐風起燈在什麼處鎔盡規摹鏡在什麼處者裏不可說理不可說事不可說正竟場不可說毗盧海畢竟如何晦室不荅良久示之以偈

長松翠竹兩交加 明月清風共一家

古殿夜闌人寂寂 飛蛾翻翅落燈花

長明燈序

高邁作

離婁之目處闇室或不能覩燈處之皎如也澄公之掌在玄夜或不能照燈在之了如也故大雄氏以方

長明燈頌并序
慶祥世
有小異

便力救黑暗界藉其光誘其人佛所有燃燈明法所有傳燈義大抵長明燈是其蘊乎夫日主晝太陽之精中則具具則沒我長明燈不沒月主夜太陰之精滿則虧虧則盡我長明燈不盡日月尚尔况小光小明哉要自積苦為海舉足見溺積邪為山舉足見礙竟不能髣髴之或髣髴之不剋成就之言之可為長嘆我邑中有俊傑主此燃燈精進成就於寶融寺經藏院且夫蘭炷爇火吾見其盛未見其微也鐵盆盛膏吾見其增未見其減也一籠而四時長春滿室而終歲不夜人見之一作禮眼蒙利再作禮心蒙羨心

者

眼自相炤了。內外由是洞徹。然則終日見燈。未嘗不見燈。終日不見燈。未嘗不見燈。夫達觀者。乃如是也。意者不獨於此。直上照一天。二天。乃至三十三天。無門不闢。河沙善人。由茲而入。直下炤一地。二地。乃至一十八地。獄有獄。皆開。多劫罪人。由茲而出。若然者。四維上下。虛空可思量。而不可思量耶。我長明燈寶相功德。亦復如是。邁之數年內。願銘頌之間。迫賤事未構。一朝染目疾。朦朧不自審。從何得也。遂夢神人語邁曰。子於長明燈。其有負乎。邁應聲而悟。悟而起。起而作頌。明日日愈。頌曰。

見外燈長明。見內燈長明。萬惡自究中滅。萬善自究中生。不見一燈。百千萬億燈。乃至於無窮。不見一人。百千萬億人。歸之於大同。空即是色。色即是空。弟子作頌。允執厥中。

尊僧篇

明教高和尚作

教必尊僧。何謂也。僧也者。以如來為家。以法為身。以慧為命。以禪悅為食。故不恃俗氏。不營世家。不脩形骸。不貪生。不懼死。不溥乎五味。其防身有戒。攝心有定。辯明有慧。語其戒也。潔清三惑。而畢身不污。語其定也。恬思慮正神明。而終日不亂。語其慧也。崇德辯

惑而必然以此脩之之謂因以此成之之謂果其於物也有慈有悲有大誓有大惠慈也者常欲安萬物悲也者常欲拯衆苦誓也者誓與天下見真諦惠也者惠羣生以正法神而通之天地不能揜密而行之鬼神不能測其演法也辯說不滯其護法也奮不顧身能忍人之不可忍能行人人之不能行其正命也丐食而食而不爲恥其寡欲也糞衣綴鉢而不爲貧其無爭也可辱而不可輕其無怨也可全而不可損以實相待物以至慈修己故其於天下能必和能普敬其語無妄故其爲信也至於法無我故其爲讓也誠

有威可敬有儀可則天人望而儼然能福於世能導於俗其忘形也餽禽獸而不悒其讀誦也冒寒暑而不廢以法而自出也遊人間遍聚落視名若谷響視利若遊塵視物色若陽燄煦嫗貧病尾合輿臺而不爲卑以道而自處也雖深山窮谷草其衣木其食晏然自得不可以利誘不可以勢屈謝天子諸侯而不爲高其獨立也以道自勝雖形影相弔而不爲孤其群居也會四海之人而不爲混其可孳也雖三藏十部百家異道之書无不知也它方殊俗之言无不通也祖述其法則有文有章也行其中道則不空不

有也其絕亭也離念清淨純真一如不復有所分別也僧乎其為人至其為心溥其為德備其為道大其為賢非世之所謂賢也其為聖非世之所謂聖也出世殊勝之賢聖也僧也如此可不尊乎

雲峯悅和尚小參

汝一隊後生經律論故是不知也入眾參禪禪又不曾臆月三十日作麼生折合去師云灼然諸禪德去聖時造人心淡薄看却今時叢林更看不得也所在之處或三百五百鬧浩浩地只謂飲食豐濃寮舍穩便為旺化中間孜孜為道者无一人半人設有三个

五个走上走下半青半黃會却總道我會各各自謂握靈蛇之珥孰肯知非及乎挨抄鞭撻將來直是萬中無一苦哉苦哉所以般若叢林歲歲彫无明荒草年年長今時兄弟纔入眾來便自端然拱手受他人供養到處菜不擇一莖柴不搬一束十指不沾水百事不干懷雖則一期快意爭柰三途累身豈不見教中道寧以熱鐵纏身不受信心人衣寧以洋銅灌口不受信心人食上座若也是去变大地作黃金攪長河為酥酪供養上座亦不為分外若也未是至於滴水寸絲便須披毛戴角牽犁拽杷償他始得不見教

中道入道不通理復身還信施此是決定底事終不
虛也諸上座光陰可惜時不待人一朝眼光落地緇
田無一簣之功鐵圍陷百刑之苦莫言不道珍重

○南岳省行堂記

超然居士趙令矜作

嘗謂諸苦之中病苦為深作福之中看病為最是故
古人以有病為善知識曉人以看病為福田所以叢
林為老病之設今叢林聚眾凡有病使歸省行堂不
唯修省改行以退病亦欲人散夜靜孤燈獨照之外
究索大事豈徒然哉既命知堂以司藥餌又戒常注

以足供須此先佛之規制也近世不然堂名延壽鄙
俚不經病者不自省咎補躬乖方湯藥妄投返成沉
痼至有酷疾不叅堂以務踈逸者大失建堂命名之
意也知堂名存實廢或同路人常住急於日用殊不
存撫又復失優波待老病之意也由是病人呻吟痛
楚日益增極過在彼此非如來咎縱有親故問病率
皆鄉曲故舊心既不普事忽有差今法輪病所煥然
一新蓋有本分人是事色色成辦无可論者惟有病
人宜如何哉省躬念罪世之有識者皆能達此衲僧
分上直截機緣當於頭疼額熱之時薦取撩動底於

聲冤叫苦之際領畧徹困心密密究思是誰受病人
既不見病從何來人病雙亡復是何物直饒見得分
明正好為他將息

怡山然禪師發願文

皈命十方調御師演揚清淨微妙法一乘四果解脫
僧願賜慈悲哀攝受但某甲自違真性枉入迷流隨
生死以漂沉逐色聲而貪染十纏十使積成有漏之
因六根六塵妄作无邊之罪迷淪苦海深溺邪途着
我耽人冤枉措直累生業障一切慙尤仰三寶以慈
悲溼一心而懺悔所願能仁拯拔善友提獎出煩惱

之深源到菩提之彼岸此世福基命位各願昌隆來
世智種靈苗同希增秀生逢中國長遇明師正性出
家童真入道六根通利三業純和不染世緣常修梵
行執持禁戒塵業不侵嚴護威儀蝟飛無損不逢八
難不缺四緣般若智以現前菩提心而不退修習正
法了悟大乘開六度之行門越三祇之劫海建法幢
於處處破疑網於重重降伏眾魔紹隆三寶承事十
方諸佛無有疲勞修學一切法門悉皆通達廣作福
惠普利塵沙得六種之神通圓一生之佛果然後不
捨法界遍入塵勞等觀音之慈心行普賢之願海它

方此界逐類隨形。應現色身。演揚妙法。泥犁苦趣。餓鬼道中。或放大光明。或現諸神變。其有見我相。乃至聞我名。皆發菩提心。永出輪迴苦火。鑊水河之地。變作香林。飲銅食鐵之徒。化生淨土。披毛戴角。負債含怨。盡罷辛酸。咸霑利樂。疾疫世而化。為藥草。救療沉痾。飢饉時而化。為稻粱。濟諸貧餓。但有益無不興。崇次期。夙世冤親。現存眷屬。出四生之汨沒。捨萬劫之愛纏。等與含生。齊成佛道。虛空有盡。我願無窮。情與無情。同圓種智。

月林觀和尚體道銘

上士參玄人。光陰莫虛棄。渡江須用船。為人須有志。名相各不同。非一亦非二。佛法苦無多。於中無別伎。動着關捩子。非師自然智。徹底老婆心。觸人無忌諱。刹境一毫端。到此無回避。唱起德山歌。道者合如是。佛祖出頭來。吞聲須飲氣。作略這些兒。古今無變異。混沌未分時。早有箇田契。人人本具足。不肯回頭視。箇箇達本鄉。切忌著名位。過去諸如來。不離而今叟。現在諸菩薩。轉次而受記。智者暗點頭。心空親及第。愚人不信受。拋家自逃逝。哀哉猛省來。現成真活計。箇裏用無窮。宗門第一義。左右逢其原。亦不離行市。

銅頭鐵額兒腦門須着地願以此功德普及於一切

白楊順和尚垂誡

染緣易就道業難成。不了目前萬緣差別只見境風
浩浩飄殘功德之林。心火炎炎燒盡菩提之種。道念
若同情念成佛多時為眾若似為己彼此事辦不見
它非我是自然上敬下恭佛法時時現前煩惱塵塵
解脫。

早辰下床念偈

從朝寅旦及至暮。一切眾生自回互。若於脚下喪身
形願汝即時生淨土。唵地理穴哩莎訶。

洗手面呪

唵主伽羅耶莎訶。

披袈裟念偈

善哉解脫服無相福田衣。我今頂戴受世世常得披
唵悉陀耶娑訶。

入堂偈

佛子住此地即是佛受用經行及坐臥常在於其中。

登床偈

登此安樂無礙床身心平等四大康常住不動無能
壞一切眾生獲智光唵摩尼達哩吽發吒。

執持應器下鉢偈當願衆生成就此器受人天供

佛生伽毗羅成道開鉢偈摩竭提說法波羅奈入滅俱尸羅

展鉢偈

如來應量器我今得敷展願共諸衆生等三輪空寂
五觀具于六念

施食偈

汝等鬼神衆吾今施汝供此食遍十方河沙鬼神共
南無三滿多沒馱南縛吽

折水偈

吾今棄鉢水味如甘露漿施汝鬼神衆悉皆獲清涼

唵摩休羅細娑訶

飲食訖已色力充威震十方三世雄回因轉果不妄
念一切衆住獲神通

入浴淨身呪

唵室哩曳 婆醯 娑訶

去穢呪

唵跋折羅 惱迦吒 娑訶

登淨呪

唵恨嚕陀耶 莎訶

洗淨偈

掩賀曩

蜜栗帝

茲訶

聞鍾聲偈

聞鍾聲煩惱輕智慧長菩提新願成佛度衆生出地
獄離火坑 南無觀世音菩薩

一切處一切時常發願云

願滅三障諸煩惱願得智慧真明了普願罪障悉消
除世世常行菩薩道

慈受禪師示衆歲規

壽聖量本大同小異

升堂念誦諷經小衆但是衆集宜湏先赴遊方上士
規矩隨身豈可乖慵遭人檢點一回可恕三犯何顏不

思百丈真風便見拔子道底靜牌才掛宜各默然縱
不掛時豈可談笑古佛垂訓守口如瓶二六時中常宜
緘默三業不戒萬禍潛生善諳魯祖風便口掛壁上自
己案前常令潔淨只安香匣禪策經文貴圖齊整不得
安世俗文字葉裹香爐種々所須宜收案下出聲持誦
唵吵稠人背靠板頭輕欺大衆虛占案分掛物明窓
不合律儀叢林安許端身正意默尔披尋諦味聖
言契合心地不虛開卷始會看經平時鄰案道人切
忌交頭接耳賓客相看禮不可免茶湯纔罷叙話已周
相引出寮不可久坐若是舊時道伴遠地親情相邀

林下水邊足可傾心談論。至於交關買賣引惹雜人，盡非衲子所為，便可一筆勾下。粥後歸寮，同伸問訊。上中下座恭敬為先，苟或不然，輕人慢己，放參開籠，須白知寮，出入掀簾，要垂後手，登床宴坐，不可垂衣舉動，經行更宜緩步，使人動念，魔障易生。衆口燥金，自家何樂洗衣把針，宜於齋後不急之務，道業荒唐，不可將湯瓶炮衣洗面，棹上裁紙糊單，偷煮點心，包藏藥石竹竿，要知觸淨熨斗，須看閑忙，執在一隅，恐防衆用古聖補破遮寒，縫了便休，豈可朝昏事持針煎點茶湯，叢林盛禮，大衆雲集，方可跣趺盞橐收線。

歸衆人齊退，私藏茶末，取笑傍觀，隻手揖人，是何法度。有故不赴，湏白知寮，小坐茶湯，輒不可免。新到入寮，宜懷謙下，未諳法度，請問耆年，隨方毗尼，在人建立安籠占案，不必着忙，款細之間，自然穩便。入寮煎點，本爲衆人意，在志誠茶湏通喫，使了家事，舊處安排，瀉却湯瓶，即時添注，山行水次，戒護開談，張口如弓，發言如箭，雌黃知事，品藻它人，說食說錢，呵風罵雨，牆壁有耳，法令無親，忽然虎口，遭傷始見鋒頭，太露。凡遇茶毗，陰晴齊赴，各懷悽愴，同運悲心，恐彼前人，虛生浪死，口持經呪，肩負柴薪，豈可猖狂恣聲談。

笑衣孟佶唱本為破慳後人不知返成貪愛偷量長
短暗窺舊新賤唱貴分過如常賣不知反責猶說便
宜識者傍觀面慚汗下若是海門上士禪苑高賓但
為死者結緣莫被活人嗤笑柔和善順上下可觀我
慢貢高諸聖不祐八萬細行三千威儀二六時中頭
頭可見穿堂直過豈不厚顏尊殿閑行恐招薄福杖
衣登殿草履遊山莫踐法堂回互若宿五更洗面本
為修行吐唾拖盆喧聒大眾暗中動念自昧不知日
往月來面黃身瘦浴湯少使籌子休拈作福雖多不
如避罪廊舍吐唾案上抓頭違背聖賢自從已便時

時檢點步步隄防直須小却身心便好大着腸肚十
日知寮迤相供養晚眠早起務在精誠苦切勞心先
人後已大眾衣鉢切要關防一事不周眾人動念煎
茶掃地換水裝香莫教冷却湯瓶免見禪和煩惱寮
中首座務要柔和規矩先行繩墨自定依時上案簡徑
開談有一不周眾人共議遊山翫水出入有時惡性
道人善言誘勸倘不聽從密白方丈 護善遮惡取信
檀那淨髮圍爐禮宜謙讓 右件規矩委曲預聞日
用時中各宜照顧一撥便轉善不可加三喚不回相聚
何益 况乃心塵難掃性水易湍中器中根可上可

下克實法戰不勝曾罰鑽飯一堂文遠勝劣爭禪輸
 却糊餅兩箇叢林榜樣後學依從焦山不說兩般禪
 祇要罰油十六兩 頌曰
 烏龜忽爾艾燒頭千古令人笑不休來勸後生高着
 眼莫教罰了一斤油

佛心和尚坐禪銘

夫坐禪者端身正意繫已虛心疊足跏趺收視返聽
 惺惺不昧沉掉永離縱憶事來尽情拋棄向靜定處
 正念諦觀知坐是心返照是心知有無中邊內外者心
 也此心虛而知寂而照圓明了了不墮斷常靈覺超然

揀非虛妄今見學家力坐而不悟者病由依計情附
 偏邪迷背正因狂隨止作不悟之失其在茲焉若也
 欽澄一念密契無生智鑑廓然心花頓發無邊繫執
 直下銷磨積劫無明一時豁現如忘忽記似病頓瘳
 內生歡喜心自知當作佛始信自心外無別佛然後
 須悟增修因修而證證悟之源是三無差別名為一
 行一解三昧亦名無功用道便能轉物不離根塵信
 手拈來互分主伴乾坤眼淨今古更陳觀體神機自
 然符契所以維摩詰云不起寂滅定而現諸威儀是
 為宴坐者然也當知水澄月現鏡淨光全學道之人

坐禪為要苟不爾者修途輪轉汨沒四生酸鼻痛心
難以自默聊書大槩助發真源果不廢修即參同契
矣

慈恩大師出家哉

陣

捨家出家何所以瞽手空王求出離三師七證定初
機剃髮染衣發弘誓去貪慎除鄙吝十二時中須謹
慎煉磨真性若虛空自然戰退魔軍陣勤學業尋師
匠說與行人堪倚仗莫教心地亂如麻百歲光陰等
閑喪踵前賢效先聖盡假聞思修所證行住坐臥要真
專念念無生始相應佛真經十二部縱橫指示菩提路

不習不孝不依行問君何日心開悟速須救似頭燃
莫待明年與後年一息不來即後世誰能保得此身
堅不蚕衣不田食織婦耕夫汗血力為成道果施將
來道果未成爭消得哀哀父哀哀母燕苦吐甘大辛
苦就濕回乾養育成要襲門風繼先祖一旦中求剃
落八十九十無倚托若不超凡越聖流向此因循全
大錯福田衣降龍鉢受用一生求解脫若將小利繫
心懷彼岸涅槃爭得達善男子汝須知修行難得似
少時若得出家披縷褐猶如浮木值盲龜大丈夫須猛
利謹束身心莫容易倘能行願力相扶決定龍華親受記

禪月大師戒童行 慈受二偈意同

勸汝出家須決志投師學業莫容易添香換水結因緣
佛殿僧堂勤掃地莫閑遊莫嬉戲出入分疎說出處
三朝四宿不見歸妙法何曾聞一偈敬師兄教師弟
莫向空門爭意氣上中下座用謙和莫賤他人稱自
貴衣食難言容易計功多少須慚愧隨緣飲啄任精
麤不用千般求細膩布素衣隨時置知足便超功果
位才能豈是皂羅衣有道何須黃錦被清信男淨信
女捨却一身飼餓虎此因緣苦中苦不用再三說酸
楚心中有罪自心知自向心中懺悔取親明師孝智慧

置字省
画

別人睡時你慢睡出家見孝妙理習讀夜眠須早起
三更睡到四更初歸向釋迦尊殿裏挑明燈換淨水
禮拜焚香作福祉報答三有及四恩天龍八部生歡喜
莫愚癡莫懈怠一超直入佛境界行亦禪坐亦禪了達
真如觀自在

四恩者

天地父母 國王施主 師長朋友 三寶恩

三有者

欲界有 色界有 無色界有

仁宗皇帝讚僧

出家功果實難論一片袈裟眾所尊在俗只言身不

貴為僧便作法王孫殿前拱手朝天子堂上低腰揖
二親粉骨碎身千萬劫也難應報釋迦恩

永明壽禪師垂誡

學道之門別無奇特只要洗滌根塵下無量劫來業
識種子汝等但能銷除情念斷絕妄緣對世間一切愛欲
境界心如木石相似直饒未明道眼自然成就淨身若
逢真正導師切須勤心親近假使忝而未徹孝而未成
歷在耳根永為道種世世不落惡趣生生不失人身纔
出頭來一聞千悟須信道真善知識為人中取大因緣
教化衆生得見佛性近嗟末世詐說一禪只空虛頭全

無實解步步行有口口談空自不責業力所牽更教
人撥無因果便說飲酒食肉不碍菩提行盜行媼無妨
般若生遭王法死陷阿鼻受得地獄業銷又入畜生餓
鬼百千萬劫無有出期除非一念回光立即翻邪為正
若不自懺自悔自度自修諸佛出世也無救你處若割心
肝如木石相似便可食肉若喫酒如喫屎尿相似便可
飲酒若見端正男女如死屍相似便可行非若見已財它
財皆如糞土便可侵盜饒汝到此田地亦未可順汝意在
直待證無量聖身始可行世間逆順事古聖施設豈有
它心只為末法僧尼少持律戒恐賺向善俗子多退道心

所以廣行遮護千經所說萬論所陳若不去婬斷一切清淨種若不去酒斷一切智慧種若不去盜斷一切福德種若不去肉斷一切慈悲種三世諸佛同口敷宣天下禪宗一音演暢如何後季畧不聽從自毀正因反行魔說只為宿熏業種生遇邪師善力易銷惡根難拔豈不見古聖道見一魔事如萬箭鑽心聞一魔聲如千錐剗耳速須遠離不可見聞各自究心慎莫容易

枯禪評住鼓山 鏡禪師

我公正眼頂門開金粟分身與麼來暫向三山為雨露即歸調鼎作塩梅

老病餘生越者希
 斬心無道德警羣迷
 恩光厚大如山岳
 乞與孤雲自在飛

胡尚書和再請 知 矩

石鼓風煙慘未開
 住山正後活如來
 可怜萬袖傾心久
 渴思生塵日望梅
 一性圓明世絕稀
 分燈何惜照羣迷
 信緣定肯翻然起
 杖錫凌空鶴與飛

洞山評親書 畧述大意十不歸偈非也

伏聞諸佛出世皆從父母而受身萬類興生盡假天地而覆載故非父母而不生無天地而不長盡沾養育之

恩俱受覆載之德嗟夫一切含識萬象形儀皆屬無常
 未離生滅雖則乳哺情重養育恩深若把世賂供資終
 難報荅作血食侍養安得久長故孝經云雖日用三牲之
 養猶不孝也相牽沉沒永入輪迴欲報罔極深恩莫若出
 家功德截生死之愛河越煩惱之苦海報千生之父母荅
 萬劫之慈親三有四恩無不報矣故經云一子出家九族
 生天泉併捨今生之身命誓不還家將永劫之根塵頓明
 般若伏惟父母心開喜捨意莫攀緣學淨飯之國王効
 摩耶之聖后他時異日佛會相逢此日今時且相離別
 其非遽違甘旨蓋時不待人故云此身不向今生度更

向何時度此身伏冀 尊懷莫相記憶 頌曰

未了心源度數春翻嗟浮世漫逡巡
 幾人得道空門裏獨我淹留在世塵
 謹具尺書辭眷愛願明大法報
 慈親不須洒淚頻相憶譬似當初無我身

岩下白雲常作伴峯前碧障以為隣
 免干世上名兼利永別人間愛與憎
 祖意直教言下曉玄微須透句中真
 合門親戚要相見直待當來證果因

後書

自離甘旨杖錫南遊星霜已換於十秋
 岐路俄經於萬里伏惟 娘子收心慕道
 攝意歸空休懷離別之

清莫作倚門之望，家中家事，但且隨時轉，有轉多日，增煩惱。阿兄勸行孝順，須求水裏之魚，小弟竭力奉承，亦泣霜中之筭。夫人居世上，修已行孝，以合天心。僧在空門，慕道參禪，而報慈德。今則千山萬水，杳隔二途，一紙八行，聊伸寸意。頌曰：不求名利，不求儒，願樂空門，捨俗徒。煩惱盡時，愁火滅，恩情斷處，愛河枯。六根戒定，香風引，一念無生，慧力扶。為報北堂，休帳望，譬如死了，譬如無。

娘回書

吾與汝夙有因緣，始結母子恩愛情分。自從懷孕，禱神佛，願生男兒，胞胎月滿，性命絲懸，得遂願心。如珠寶惜，糞穢不嫌，於臭惡乳哺，不倦於辛勤，稍自成人，送令習學，或暫逾時不歸，便作倚門之望。來書堅要出家，父亡母老，兄薄弟寒，吾何依賴？子有拋娘之意，娘無捨子之心。一自汝往他方，日夜常洒悲淚，苦哉苦哉，今既誓不還鄉，即得從汝志，不敢望汝如王祥卧冰，丁蘭刻木，但願汝如目連尊者，度我下脫沉淪，上登佛果，如其不然，幽譴有在，切宜體悉。

梁山廓庵則和尚十牛頌

尋牛

從來不失何用追尋由覺背以成踈在向塵而遂失
家山漸遠岐路俄差得失熾然是非烽起
忙忙撥草去追尋水瀾山遙路更深力盡神疲無覓
處但聞楓樹晚蟬吟

見迹

依經解義閱教知蹤明衆器為一金體萬物為自己
正邪不辯真偽奚分未入斯門權為見迹
水邊林下跡偏多芳草籬披見也麼縱是深山更深
處遼天鼻孔怎藏他

見牛

從聲得入見處逢原六根閉着着無差動用中頭
頭頭露水中滋味色裏膠青眼上眉毛非是他物
黃鸝枝上一聲聲日暖風和岸柳青只此更無回避
處森森頭角盡難成

得牛

久埋郊外今日逢渠由境勝以難追戀芳叢而不已
頑心尚勇野性猶存欲得純和必加鞭撻
竭盡神通獲得渠心強力壯卒難除有時纔到高原
上又入雲煙深處居

牧牛

前思纔起後念相隨由覺故以成真在迷情而為妄
不唯境有惟自心生鼻索牢牽不容擬議
鞭策時時不離身恐伊縱步入埃塵相將牧得純和
也羈鎖無拘自逐人

騎牛

千弋已罷得失還無唱樵子之村歌吹兒童之野笛
橫身牛上目視雲霄呼喚不用撈籠不住
騎牛迤邐欲還家羌笛聲聲送晚霞一拍一呵無限
意知音何必鼓唇牙

忘牛

法無二法牛且為宗喻魚兔之異名顯跬蹄之差別
如金出鑛似月離雲一道寒光威音劫外
騎牛已得到家山牛也空兮人也閑紅日三竿猶作
夢鞭繩空頓草堂間

人牛不見

凡情脫落聖意皆空有佛處不用遨遊無佛處急湏
走過兩頭不着千聖難窺百鳥含花一場懨懨
鞭索人牛盡屬空碧天寥廓信難通紅爐向上爭容
雪到此方能合祖宗

返本還源

本來清淨不受一塵觀有相之榮枯處無為之疑寂
不同幻化豈假修持水淥山青坐觀成敗

返本還源已費功爭如直下若盲聾菴中不見菴前
物水自茫茫花白紅

入鄆垂手

柴門獨掩千聖不知埋自己之風光負前賢之途轍
提瓢入市策杖還家酒肆魚行化令成佛

露背跣足入鄆來抹土捺灰笑滿腮不用神仙真秘
訣直教枯木放花開

自得暉和尚六牛圖

始從知識示誨即起信心信心既萌永為道本故
牛百上一點白

一念信為本千生入道因自憐迷覺性隨處染埃塵
野草時時綠狂花日日新思家無計得但覺淚沾巾

信心既萌念念措磨忽尔發明心生歡喜最初入頭
故頭全白

問訊這牛兒知非何太遲拋家經幾劫逐妄許多時
念念歸無念思思絕所思入頭從此始次第證無為

既有發明漸漸熏煉智慧明淨未能純一將白半

身

祖

百

看牧幾春秋。將成露地牛。出離芳草去。向近雪山游。
正念雖歸一。邪思尚混流。脫然心迹盡。六處不能收。
更無妄念。唯一真心。清淨湛然。通身明白。

六處不能該。優曇火裏開。了然無繫屬。明淨絕纖埃。
繩索將無用。人牛安在哉。迢迢空劫外。佛祖莫能猜。
心法雙忘。人牛俱泯。永超象外。唯一空空。是名大

解脫門。佛祖命脉。

人牛消息盡。古路絕知音。霧卷千崑靜。苔生三徑深。
心空無所有。情盡不當今。把釣翁何在。磻溪鎖綠陰。

命根斷處。絕後再甦。隨類受身。逢場作戲。只改舊

時人。不改舊時行履處。

妙盡復窮通。還歸六道中。塵塵皆佛事。處處是家風。
皓玉泥中異。精金火裏逢。優游無間路。隨類且飄蓬。

月窟訓童行。清禪師

咨爾童行。聽予誠云。高以下基。洪猶織起。古今賢聖。
莫不由斯。儒宗頗多。釋氏尤甚。茲不繁引。略舉二三。
虞夏至尊。尚曾歷試。可能二祖。猶服勤勞。一念因真。
千生果實。若其濫服。終無所成。任是毀形。徒增黑業。
爾等童輩。各顯誠履。實踐真無。隨流俗處。清淨地。

生難遭心見佛逢僧克勤敬慕如能反責可謂丈夫
施主交肩宜先祇揖全衣相見莫後和南夕火晨香
常常勿懈齋餐蚤粥念念興慚當直殿堂供過寮舍
宜勤拂拭無怠應承進止威儀上流是則言默要道
下輩休詢貝葉故合精通墳典猶宜博學稍知今古
方解為人若似啞羊出家何益如來未成佛果文武
兼能永嘉纔作人師宗說俱備晞顏晞驥子雲有言
誦筵誦茗釋尊無誤各須努力莫謾因循立志堅高
不墮凡地故經云立志如高山種德若深海如斯苦
口期汝為人報答佛祖莫大恩拔濟衆生無量苦曰
日如是不愧自心

頌曰

負春刻草示嘉模紹續須還猛烈徒一念豁然三際
斷單傳肯下老躁胡

雪竇明覺禪師方丈銘

夫傳持祖燈嗣續佛壽此非小任宜景前修肅以威
儀尊其瞻視懲忿窒慾治氣養心無以名利動於情
無以得失介於意無隨世之上下無逐人之是非黑
白致之於懷喜怒不形於色樂人之樂猶已之樂憂
人之憂若已之憂容衆尊賢克已復禮無因少隙失

素所善無背公議棄素所踈能不可矜勢不可恃無
護已短無掩人長見德不可忘身在貴不可忘賤且
夫學本修性豈愠人之不知道貴全身無斷世之為
用人或慕義理固推餘必也篤以心誠誨爾規矩博
援群藉深示妙宗慈室忍衣不可須臾而離大方寶
所欲其造次必是動息有常嫌疑必慎人不可侮天
不可欺衆之去來無追無拒之毀譽無恚無貪內無
所慚外無所恤或若聲華溢美利養豐多畏四趣之
果因謹三寶之交牙死生未脫業苦難逃方其得志
亟思利正身如行廁利稱軟賊百年非久三界無安
可惜寸陰當求解脫古先諸祖舉有懿範杖錫一生
喫土丹霞祇箇布裘趙州青灰滿頭即師編草為氈
或深禪久修或優詔不就大都約則欺失奢則招譏
謙則有光退則無忌去聖逾遠行道有艱觀時進止
無自辱也

義淨三藏誡者經

晉宋齊梁唐代間高僧求法出長安去時幾百歸無
十後輩那知前輩難雪嶺崎嶇侵骨冷沙河汹涌刮
毛寒今人不委經求歷往往將經容易看

唐太宗題白馬寺

燒經所

門徑蕭蕭長綠苔。一回登此一徘徊。青牛謾說函關去。白馬親從印土來。確定是非憑烈燄。為分真偽築高臺。東風也解嫌狼藉。吹盡當年道教灰。

洞山息世譏

不求名利不求榮。任運騰騰度此生。三寸氣消誰是主。百年身後謾呼名。衣裳破後重重補。糧食無時旋旋營。一个幻身能幾久。為它閑事長無明。

臨濟宗

南岳馬祖百丈運。臨興南尤首山流。慈明南會開

續心出新清端演勤。

鴻仰宗

百丈派出大鴻祐。香巖仰山親得紹。南塔芭蕉清續傳。兒孫未見繼其後。

雲門宗

清石天龍接德山。雲峯雲偃香林遠。北塔雪竇貫付天衣。二本從茲門大顯。

曹洞宗

清石藥山雲洞祖。雲膺同安不志附。梁山觀得大陽玄。投子芙蓉溥獨步。

同安志

枯

法眼宗

清涼

天台

雪峯傍出玄沙備地藏法眼益尊貴部國師傳壽與
津佛法新羅而已耳要知仔細須尋宗派齒

永明

八溢聖解脫門

禮佛敬佛德念佛感佛恩持戒行佛行者經明佛理
坐禪達佛境參禪合佛心得悟證佛道說法滿佛願
實際理地不受一塵佛事門中不捨一法然此八事
猶如四方四隅闕一不可前聖後聖其揆一也六波羅
密亦須兼行六祖云執空之人滯在一隅謂不立文字
自迷猶可又謗佛經罪障深重可不戒哉

陳賢良書

亦判于精嚴寶訓

陳提刑貴謙合真侍郎德秀書曰承下問禪門事仰
見虛懷樂善之意顧淺陋何足以辱此然敢不以管
見陳白所謂話頭合看與否以其觀之初無定說若
能一念無生全體是佛何處別有話頭只緣多生習
氣背覺合塵利邪之間念念起滅如猴孫拾栗相似
佛祖輩不得已權設方便令咬嚼箇無滋味話頭意
識有所不行將蜜菓換苦葫蘆淘汝業識都無實義亦如
家兵器不得已而用之今時學者却於話頭上強生穿
鑿或至逐箇解說以當事業遠之遠矣稜道者廿年

坐破七蒲團只管看驢事未去馬事到來因卷簾大
悟所謂八萬四千關楔子只消一箇鎖匙開豈在多
言也來教謂誦佛之言存佛之心行佛之行久久須有得
處如此行履固不失為一世之賢者然禪門一着又須
見徹自己本地風光方為究竟此事雖人人本有但為
客塵妄想所覆若不痛加煅煉終不明淨圓覺經云譬
如銷金鑪金非銷固有雖復本來金終以銷成就蓋謂
此也來教又謂道若不在言語文字上諸佛諸祖何謂
留許多經論在世經是佛言禪是佛心初無違背但世
人尋言逐句沒溺教網不知有自己一段光明大事故

達磨西來不立文字直指人心見性成佛謂之教外別
傳非是教外別是一箇道理只要明了此心不着教
相今若只誦佛語而不會歸自己如人數他珍寶自
無半錢分又如破布裹真珠出門還漏却縱使於中
得少滋味猶是法愛之見本分上事所謂金屑雖貴
落眼成翳直須打併一切淨盡方有少分相應也其
向來雖不閱大藏經然華嚴經法華經維摩等經
誦之亦稍熟矣其他如傳燈諸老語錄壽禪師宗
鏡錄皆翫味數十年間方在屋裏看到却無暇看
經論也楞伽雖是達磨心宗亦以句讀難通不曾深

究要知吾人皆是誠心非彼世俗自瞞以資談柄而已
 以日用驗之雖無濁惡處過然於一切善惡逆順
 境界上果能照破不為他所移換否夜睡中夢覺一
 如否恐怖顛倒否疾病而能作得主否若目前猶有
 境在則夢寐未免顛倒夢寐既顛倒疾病必不能作得
 主宰疾病既作主宰不得則生死岸頭必不自在所謂
 如人飲水冷暖自知待制舍人於功名鼎盛之時清
 修寡慾留神此道可謂火中蓮花矣古人有言此大
 丈夫事非將相之所能為也又云直欲高高高峯頂
 立深々海底行更欲深窮遠到直到不疑之地來
 教謂無下手處只此無下手處正是得力處如前書所
 言靜處鬧處皆着一隻眼看是什麼道理久久純熟
 自無靜鬧之異其或雜亂紛飛起滅不停却舉一則
 公案與之斯崖則起滅之心自然頓息照與照者同
 時寂滅即是到家也其亦學焉而未至也姑盡吐露如
 此不必他示恐有儒釋不侔者必大怪之待制舍人它
 日心眼開明亦必大笑而罵之

提刑參見月林
鐵鞭諸大老

范文正公勉圓悟禪師行脚

觀水莫觀洲池汚池之水魚鱉卑登山莫登迤邐山迤邐之
 山草木稀觀水直觀滄溟廣登山直登泰山上所得不少所

見高工夫用尽非徒勞。南方幸有選佛地。好向其中窺妙旨。
它年成器整頓綱。不負男兒出家志。大丈夫休擬議。豈為虛
名賦。計歡諧時分覺無多。却被光陰暗添歲。成都况是繁華
國。打住只應花酒窟。吾師自是出家兒。豈隨齷齪相埋沒。吾
師幸有虹蜺志。何事躊躇淤泥水。君不見吞舟之魚不隱污
流。合抱之木豈在丹丘。大鵬一展九萬里。豈同春岸飛沙
鷗。何如急駕千里驥。莫効鷓鴣恋一枝。縱饒講得千經論
也。落鞦第二機。白雲長自恋高臺。暮暈朝籠不暫開。為慰蒼
生霖雨望。等閑依舊出山來。又不見崑山有玉名瓊瑤。
良時未遇居蓬蒿。當時若不離荆楚。爭得連城價倍高。

高庵悟和尚勸安老僧文

貧道嘗閱藏教。諦審佛意。不許比丘坐受無功之食。
生懶墮心起。吾我見。每至晨朝。佛及弟子持鉢乞食。
不擇貴賤。心無高下。俾得福者。一切均溥。後所稱常
住者。本為老病比丘。不能行乞者。設非少壯之徒。可
得而食。逮佛滅後。正法世中。亦復如是。像季以來。中
國禪林。不廢乞食。但推能者為之。所得利養。聚為招
提。以安廣眾。遂輟逐日行乞之規也。今聞數刹住持。
不識因果。不安老僧背戾佛旨。削弱法門。苟不住院。
老將安歸。更不返思。常住財物。本為誰置。當推何心。

以合佛心當推何行以合佛行昔佛在日或不赴請
留身精舍徧巡僧房看視老病一一致問一一辨置
仍勸請諸比丘迺相恭敬隨順方便去其嗔嫌此調
御師統理大眾之措摸也今之當代恣用常住資給
口體結托權貴仍隔絕老者病者眾僧之物掩為已
有佛心佛行渾無一也悲夫悲夫古德云老僧乃山
門之標榜也今之禪林百僧之中無一老者老而不
納益知壽考之無補反不如天死願今當代各遵佛
語紹隆祖位安撫老病常住有無隨宜供給無使愚
昧專權滅裂致招來世短促之報切宜加察

連磨師

真性頌
淨明圓結
身滅幾
真離性
莊嚴

連磨西來不立文字少林
默坐九年獨有神光領旨
上根既契猶憐中下之機
強留二十字謂之真性偈
翻覆讀之成四十首頌各
有旨趣庶幾後代兒孫因
指見月儻有个漢向性字
未形之前領略文彩自彰
匪從他得則翻笑缺齒老
胡正好痛與主丈矣

天人禮枯骨 慈受述

汝是前生我 我今天眼開 珽衣隨念至 玉食自然來
謝汝昔勤苦 令吾今快哉 散花時拜人 世莫疑猜

餓鬼鞭尸

因考具皮囊 波波劫劫忙 只知貪快樂 不肯暫回光
白業錘金 黃泉歲月長 直須痛鞭打 此恨卒難忘

沙門破二見

咄咄愚癡子 云何不自觀 鞭尸真倒置 禮骨自欺瞞
善惡由心造 佛魔着眼看 踏翻煩惱海 生死不相干

閉口不在舌 欽邊

至理何嘗滯 性言

會得箇中無 統統

何妨緩木為 流傳

緒祖偈 刊石舊

乘承山以首屈拾
 邊補後為叢林
 標指歛余者德
 因發書云皆厚祿
 丁未中夏
 任鼓山比丘崔家題



